

	PENSEO	<i>N-ro 124</i> <i>Feb./2002</i>
	Monata Beletra Revueto en Esperanto Honorita de Premio Grabowski,1994	
Fondita en 1990; Enretigita en 1997 www.anteo.domainvalet.com		

La Vojo de Mi Irita

de **Risel Zhao Qing**

Estante kvindek-jarulo de nia lingvo, mi ankoraŭ memoras, ke mi la unuan fojon aŭdis pri Esperanto en la jaro 1938, kiam mi ĵus eniris en elementan mezlernejon. Tiam mi pruntis verkon de k-do Hujucz *Impresoj pri Moskvo*, en kiu li rakontis kiel li, revenante al la patrujo tra la ĉefurbo de Sovetio, pere de helpo de la tieaj esperantistoj, akiris la vizon por restadi kaj vizitadi dum 7 tagoj, kio unue certigis al mi la efikadon de Esperanto. Poste, en 1943, kiam mi jam eniris la superan mezlernejon, mi eklegis la libron *Gvidlibro por Lerni Fremdajn Lingvojn* de k-do Chen Yuan eldonitan en Guilin, en kiu la aŭtoro pritraktis la lern-metodon de diversaj lingvoj kaj i.a. precipe akcentis tiajn trajtojn de Esperanto kiaj simpla fonetike, konciza kaj logika gramatike, esprimriĉa kaj facile lernebla, kio do instigis mian scivolemon kaj lern-volemon. Sekve mi tuj aĉetis lernolibrojn eldonitajn de Koresponda Esperanta Lernejo en Chongqing: *Milittempa Lernolibro de Esperanto*, de Zhong Xianmin, *Gramatiko de Esperanto* de Venlo Feng, *Klasifikita Vortaro de Esperanto* de Jak kaj komencis memlernadi kaj lernigi al aliaj samlernantoj.

La sekvantan jaron, kiam japanaj agresantoj invadis nian provincon, la loĝantaro de Guilin komencis evakuadon, mi kaj miaj familianoj fuĝis al urbo Yishan. Tuj antaŭ la fuĝado mi neatendite trovis kaj aĉetis valorajn esperantajn librojn ekz. *Paroladojn de Zamenhof*, esperantajn kurslibrojn

verkitajn de Akita Uzuyaku kaj Osaka Kenzi, *Modernan Vortaron Esperantan-Japanan* de Ishiguro. Poste ni daŭrigis la fuĝadon al nia hejmloko Daxin, piedirante dum du semajnoj. Ĉiun tagon mi distris min per parkera recitado de esperantaj versaĵoj ekz. la kanto *Pri la Patrolando* el kolekto de esperantaj kantoj kompilita de k-do Eltunko. Kiam mi kantetis mallaŭte: “Vasta estas land’ gepatra nia, ĝi plej riĉa estas sur la ter’, en la mondo mankas land’ nia, kie regus tia homliber’...”, multe impresis min la admirinda esprimiveco kaŭzita de la fleksebleco de la vortordo, kio instigis min al mia aŭdaca esperantigo de kantoj dum pli posta tempo. Ĉiun vesperon dum ripozo mi ekzercigis min per tagnotado esperantlingva. Atinginte la cellokon, dumtage, kiam mi atendis relernigi en apuda lernejo, mi pasigis la tempon per legado de libro kunportita *Internacia Korespondado* (kompilita de Zhou Zhuangping kaj Zheng Zhuyi), kaj tiam ŝajnis al mi, ke mi spertis la ĝojon kiam mi mem ricevis la leteron. Kaj ĝuste pro tia sento ĉe mi ankaŭ naskiĝis la vojo praktiki mem korespondi estonte.



En 1947, mi eniris en Guangxian Universitaton por studi elektran teknikon, kaj

dume lernigis Esp-on al samklasanoj, kiuj poste forlasis la studon pro manko de libera tempo, tamen mi mem neniam ĉesigis mian memlernadon de nia lingvo.

(La unua parto de tiu ĉi ĉapitro diras, ke la Taŭo estas la ĝenerala fonto de ĉiuj estaĵoj, kaj la dua parto diras, ke resti

La Taŭo naskas la Unuon (ion unuecan),
La Unuo naskas la Duon (du kontraŭajn aspektojn),
La Duo naskas la Trion (aliojn),
La Trio produktas miriadojn da estaĵoj.
La miriadoj da estaĵoj entenas en si la *jin*-on kaj la *jang*-on kiel du kontraŭajn fortojn¹,
Kiuj estas unuecigitaj en harmonion per nevidebla spiro².
Oni timas esti “orfo”, “soleculo” aŭ “senindulo”,
Kaj tamen la reĝoj kaj la dukoj volonte nomas sin mem tiaj.
Tial ĉiuj aferoj povas pligrandiĝi, se oni intence ilin reduktas,
Kaj ili povas reduktiĝi, se oni intence ilin pligrandigas.
Tion, kion oni instruas unu al alia, ankaŭ mi instruas:
“La violentulo certe mortos violentan morton,”
Mi faros tiun ĉi fakton la bazo de mia instruado.

¹ En la ĉina filozofio la *jīn*-o prezentas la duonon de la dueco en la universo. La *jīn*-o estas la femala forto, asociita kun la ĉielo, la mallumo, la virina sekso, la negativeco ktp. La *jīn*-o estas kompletigita de la *jāng*-o, la maskla forto, asociita kun la tero, la suno, la lumo, la vira sekso, la pozitiveco ktp. Ĉi tie per la *jīn*-o kaj *jāng*-o estas simbolata la fakto, ke ĉiu estaĵo estas miksaĵo el *jīn*-o kaj *jāng*-o, t.e. el mallumo kaj lumo, malforteco kaj forteco, akvo kaj fajro, malvarmo kaj varmo ktp. En la ĉiutaga vivo la *jīn*-o estas priskribita kutime kiel virineca, fleksebla, cedema, flua, kvietaj, mola, malforta ktp., dum la *jāng*-o kiel vireca, rigida, malcedema, decidema, malkvietaj, malmola, forta ktp.

Poemoj de Bei Dao

tabuaj floroj, herboj
la greno historia estas
sub la ĉielo konk-kolora

elcîniqis **Liu Pei**



spertinte la alarm-muzikon de aeratako
 la veston mi pendigas sur la breton
 forprenas l' okulparon hundan
 uzita por eskapi
 kaj falsajn dentojn, tiuj lastaj vortoj
 la malnaivan poŝhorloĝon fermas
 la koro garde-protektata
 en akvon falas hor-post-hore
 verŝajne en mia song' torpedoj
 eksplodus
 aŭdiĝas mia timo

elcînigis **Wei Lai**

samkiel tatuitaj viroj
malĝojaj, povis ne aŭskulti l' voĉon de
prapatroj
silente longaj noktoj fandas sin en
ŝtonoj
deziro movi ŝtonojn venas
al montoj, kiuj ondas en lern-libroj
historiaj



elcînigis **Shi Ying**

ض ض ض ض ض ض ض ض ض ض ض ض ض ض ض

Xi Shi, fama antikva belulino, havis doloron en sia brusto. Kiam ŝi eliris, ŝi ĉiam portis la mienon kun kuntiriĝaj brovoj. Malbela junulino, kiu loĝis proksime, vidis ŝin kaj pensis, ke ŝia mieno aspektas tre bela. Kiam la malbelulino revenis hejmen, ŝi ankaŭ metis sian manon sur la bruston kaj kuntiris siajn brovojn.

Ŝi nur sciis, ke la brovo-kuntiriĝa mieno estas bela. sed ŝi ne povis trovi la kialon de ŝia beleco.

elcînigis **Lao San**

Eldonas Redakcio de *Penseo*

Adreso: s-anino Harpina WU

Poštkesto 136, Jichang-xi,

Guangzhou, China, CN-510403

E-pošto: harpina@21cn.com

POŝT-KUPONOJ ESTAS BONVENAJ!

• • • • •

Ĉefredaktoro: s-ro Yida Wei (Veĵdo)

Adreso: Fremdlingva Fakultato, Shantou
Universitato, Guangdong 515063, Ĉinio

Tel: (0754) 2903012 (hejme)

E-pošto: ydwei@stu.edu.cn

Ĉiujn kontribuaĵojn al la ĉefredaktoro

◇ ◇ ◇ ◇ ◇ ◇ ◇ ◇ ◇ ◇ ◇ ◇ ◇ ◇ ◇ ◇ ◇